

Elytra linea humerali basali nigra brevi; campo marginali pallescente, irregulariter fusco-rufo punctulato; campo discoidali et anali minute irregulariter fusco-rufo-irrorato, subtessellato; necnon in vena principali plus minus fusco-maculosa. Alarum campus anterior apice paulo magis acutus, campum posticum leviter superans. Abdomen angulis segmentorum ultimorum acutis, segmento 7° leviter prominulo, angulis leviter productis, rotundatis; supra pallide piceum, marginibus pallidis, subtus testaceo-fulvum, omnino subtiliter fusco-punctulatum, maculis stigmatalibus nonnunquam minutis fuscis. Pedes ut abdomen omnino fusco-punctulati, femoribus supra fusco-marginatis, tibiis ad exsertionem spinarum fusco-maculosis, spinis testaceis; tarsorum articulis supra apice fuscis.—♂ abdominis segmenta angulis rotundatis, nullomodo angulatis; ♂ ♀ lamina supra-analis distincte prominula, rotundata, apice attenuata, incisa. Ultimum segmentum ventrale ♀ in medio parum fortiter arcuatum. ♀. Long. 18; elytr. 17, pronot. 5, latit. pronot. 6 millim.

*Hab.* Antilles, Cuba (*Mus. Genavense*).]

### [8. *Epilampra burmeisteri*, Guér.

*Phyllodromia burmeisteri*, Guér. Ins. de Cuba (Ramon de la Sagra), p. 345; Sauss. Mém. Mex., Blatt. p. 131. 65, fig. 25.

*Epilampra burmeisteri*, Sauss. Miss. Scient. Mex., Orthopt. p. 81. 4.

♀. *E. caraibæ* simillima at major. Capite et pronoto illæ speciei pictura simillimis, marginibus tamen lateralibus pronoti punctis majoribus raris ac minoribus. Elytra haud dense fusco-irrorata, omnino remote fusco-punctulata; campo discoidali ultra medium punctis 3–4 majoribus, alteroque campi analis, necnon linea brevi nigra in vena mediastina, maculaque ad basin venæ analis (ut in *E. latifrons*) ornata. Alæ apice late subsinuatae. Pedes testacei; coxæ in medio remote fusco-punctatae; femora lineis fuscis marginata, punctis fuscis raris notata; tibiæ ad spinas fusco-maculatae; articuli tarsorum apice fuscis. Abdomen frequenter infuscatum, subtus et supra subtiliter dense fusco-punctulatum, segmentorum angulis subacutis. Lamina supra-analis parum prominula, rotundata, leviter incisa; cercis apice fuscis.

Var. *a*. Tota pallide fulva, vertice inter oculos nigro; pronoto haud fusco-punctulato, tantum in marginibus punctis remotis consperso, disco maculis minutis nonnullis nigris. Pedes et abdomen testacea, hoc subtus haud vel sparse fusco-punctulatum.—*b*. Elytrorum linea nigra basali nulla.

♂. Oculi quam in ♀ invicem haud propiores; coxæ parum vel haud granulosa; lamina infra-genitalis macula media fusca.

♀. Long. 22.5; elytr. 22.5, pronot. 6.5, latit. pronot. 7.8 millim.

*Hab.* ANTILLES, Cuba (*Mus. Genavense*).

All our males are of a pale colour, as in the variety *a*.]

### [9. *Epilampra latifrons*, sp. n.

♂. Fulvo-testacea, *E. aztecæ* et *E. caraibæ* simillima. Oculi quam in illis sensim magis remoti, quam ocelli flavi magis distantes. Caput flavidum, inter ocellos et inter oculos macula magna nigra ornata. Pronotum utrinque maculis minutis fuscis punctatum, disco fusco-picturato et punctulato. Elytra et alæ quam in speciebus laudatis paulo breviora; elytra apice paulo latiora vitta humerali nigra brevi, omnino maculis fusco-rufis remotis conspersa. Alarum campus anterior latior, apice rotundatus, campum posteriorem distincte superans, incisura anali inter campos distincta; area intercalata membranacea inter illas nulla. Pedes testacei, immaculati, spinis et apice tarsorum rufidis. Abdomen superne piceo-infuscatum, marginibus pallidis; subtus flavo-testaceum, immaculatum. Segmentorum anguli vix producti, rotundati (♂), 6<sup>m</sup> subacutum. Lamina supra-analis ♂ haud prominula, coriacea, basi fusca, margine postico transverse arcuato, integro. Cerci testacei, quam in speciebus laudatis sensim breviores, apice nec anguste producti, nec nigro (ut in *E. aztecæ*).

Long. 14.5; elytr. 14.5, pronot. 4.75, latit. pronot. 6 millim.

*Hab.* SOUTH AMERICA (*Mus. Genavense*, ex coll. Guérin).